

Plin. H. N.
l. 9. c. 8.

Plutarch. l.
utrum anima-

* Arist. H.
A. l. 9. c. 47.

* Plutarch.
in Sympos.

Plutarch. l.
utrum anima-

quod et tum fit, cum vel asylo infestantur: ut Rondeletius observavit, vel nimio piscatorum strepitu gravantur. Plinius tellure tactas mori ait, repugnante experientia. Nam et Aristoteles extra aquam mutientem et anhelantem caeterorum spirantium more reliquit, et Gesnerus Arimini captum tres dies in terra vixisse scripsit, et Rondeletius vivos a Monspeliensibus Lugdunum usque deportari affirmat. Gregatim ex aetatum ratione dispositi natant. Parvuli praecedunt, adultiores sequuntur. Hoc singulari in prolem amore fit, quo etiam foetus tenellos in fauces recipere, ut Solinus dicit, vel saltem eos in faucibus aliquando gestare, quod Oppiano et Gesnero visum, solet. De ipsorum somno ita Plutarchus. *Delphinus dormiens de summo per altum demittitur, tantisper dum in vadum impingat, solumque sentiat: Hic excusso somno ronchoque edito ad summum rursus meat, rursusque demittitur, ac pronus fertur, imo quodam mirabiliter composito quietem captans.* Ingenium singulare resipit, quod parentes senio confectos alant, sui que corporis nisu natatum eorundem promoveant, totam nationem tanto amore prosequantur, ut saepe aliquem ex se captum ad portum usque comitentur, mortuum vero quasi ad sepeliendum efferant; quod Hesiodi a latronibus interfecti in mare projectum cadaver, ad Rhium et Molycriam deportasse legantur, quod navibus in qua aliquis ex delphinicidis, coorta tempestate, quasi in ulationem perniciem struant, quod a Graecis, Italis, Venetis inprimis nautis creditur; quod Serapidem et Dionysium, jussu Ptolomaei Soteris revehentibus, et supra Maleam abreptis, ducem se ad stationem praebuerint; quod Simonis nomine miro modo gaudeat, ut post Plinius, Gillius cum ad Antipolin provinciae Narbonensis urbem navigaret expertus scribit; quod captus miserationem gemitu moveat, ut auritus testis Gillius prodidit, quod denique cantu et Musica, unde illa de Arione in mare in-

jecto et a Delphino liberato, seu fabula, seu Historia, oblectetur. Tempestates lasciviendo praesagire * nautae, Bellonio refragante affirmant, et a nobis cum ex Anglia Scotiam aliquando peteremus, observatum est; seu quod aëris mutationibus non aliter ac aegri afficiantur; seu quod procella exurgente, confurgentes ab imo maris exhalationes, calorem in Delphinis excitent, quem ut temperent, crebrius erumpunt. Piscatoribus Euboicis in piscatione subsidio esse, authoribus proditum est: Verum rectissime Bellonius, non suo ingenio sed fortuito id facere, observavit. Si enim in Celerinorum aut Sardiniarum greges inciderint, capitibus absumptis, truncos capientibus relinquunt. Pisces vero irruentis Delphini impetu consternati, postquam in aërem exiliissent, tam denso interdum in mare agmine relabuntur, ut pluviam representent. Quae de Delphinorum in pueros amoribus dicuntur, apud Gellium et Aelianum invenies. *Inimicitias* cum Balaena, ut apud Philen legimus, Pompilo, et Amiis gerit. Ex pisciculis, Pediculum parasitum habet, de quo ita Aristoteles. Maris quod a Cyrena in Aegyptum panditur, piscis Pediculus nomine circa Delphinum est, qui omnium pinguis sit pabuli copia, quae Delphini opera suppeditatur. *Usus* ejus quibusdam gentibus in *Cibus*, et quidem tantus, ut in mensas Principum veniat. Maxime tamen hepar et lingua commendantur. Illud tenerum, sed mali succi. Haec, tenerior pinguior et hepatis praefenda. Cardanus viscera non solum sapore sed et odore quasi violae commendari scribit. De *Uso in Medicina* pauca occurrunt. Kiranides ventrem sicum et tritum splenetici prodesse, *je-* cur assum et in cibo sumptum, tertianam et quartanam integre sanare scribit. Plinius febrium circuitus tolli ait, si ante accessiones degustatum fuerit. Dentium cum melle Cini infantium gingivis dentitionibusque confert. Alligatus, pavores repentinos tollit.

* Plin. H.
l. 8. c. 35.

Gell. Noct.
Atticar. l.
c. 8.

Aelian. H.
A. l. 6. c. 13.
l. 8. c. 13.
l. 2. c. 6.

Arist. H.
l. 5. c. 31.

Plin. H.
l. 32. c. 10.